



Broj: 01-82/17
Vareš, 30.03. 2017. godine

Na osnovu člana 13. i člana 36. Zakona o principima lokalne samouprave („Sl. novine Federacije BiH“, br. 49/06 i 51/09), člana 124. Zakona o zaštiti od požara i vatrogastvu Zeničko-dobojskog kantona („Sl. novine Zeničko - dobojskog kantona“, br. 5/11), člana 22. tačka 6. Statuta općine Vareš – Prečišćeni tekst, broj: 01-162/12 od 11.09.2012. godine, na prijedlog Općinskog načelnika, Općinsko vijeće Vareš, na 5. sjednici održanoj dana 30.03. 2017. godine, d o n o s i

O D L U K U
o načinu i naknadama za pružanje usluga Profesionalne vatrogasne jedinice Vareš
fizičkim i pravnim licima

Član 1.

Ovom Odlukom utvrđuje se način i visina plaćanja naknade od strane fizičkih i pravnih lica (u daljem tekstu: korisnici usluga) za pružene usluge, rad vatrogasne tehnike, rad vatrogasnih vozila i rad vatrogasaca Profesionalne vatrogasne jedinice.

Član 2.

Pod uslugama iz člana 1. ove Odluke podrazumijeva se dežurstvo na javnim skupovima a po zahtjevu pravnog ili fizičkog lica, prijevoz pitke vode po zahtjevu pravnog ili fizičkog lica, kao i usluge gašenja požara od strane Profesionalne vatrogasne jedinice Vareš na teritoriji druge općine ili na području koje je u nadležnosti drugog pravnog lica a po njihovom zahtjevu kao i druge usluge navedene u tarifniku.

Član 3.

Pružanje usluga iz člana 1. Odluke vršit će se podnošenjem pismenog zahtjeva odnosno narudžbenice, u vanrednim situacijama po pozivu a pismeni zahtjev odnosno narudžbenica će se dostaviti naknadno.

Odobrenje o pružanju usluga Profesionalne vatrogasne jedinice Vareš, donosi Općinski načelnik ili pomoćnik načelnika za civilnu zaštitu.

Naknada za pružene usluge podrazumijeva naplatu troškova koje čine svi novčani i drugi izdaci koji mogu nastati prilikom pružanja gore spomenutih usluga a po podnesenom pismenom zahtjevu za pružanjem usluga Profesionalne vatrogasne jedinice fizičkim licima odnosno putem narudžbenice za pravna lica, kako je navedeno u stavu 1. ovog člana (u daljem tekstu: naknada).

Član 4.

Naknadu iz člana 2. ove Odluke obavezan je uplatiti podnosilac zahtjeva odnosno narudžbenice koji pokreće određeni postupak pružanja usluga Profesionalne vatrogasne jedinice putem zahtjeva ili narudžbenice za pravna lica odnosno zahtjevom za pružanje usluga za fizička lica a kojima će se za izvršene usluge izdati račun.

Član 5.

Visina naknade za pružene usluge zavisit će od vrste i količine izvršenih usluga i uplaćuje se na račun Općine Vareš a korisnik usluga će plaćati i porez na dodanu vrijednost (PDV) obračunat prema važećim zakonskim propisima koje će Općina obračunavati prilikom fakturisanja naknade, koja uključuje i porez na dodanu vrijednost (PDV), na depozitni račun Budžeta Općine Vareš, broj: 3380002210017420 Unicredit banka, šifra Općine: 096, vrsta prihoda 721122 .

Član 6.

Tarifnik o visini naknade za pružene usluge iz člana 1. Odluke je sastavni dio ove Odluke.

Član 7.

Za sprovođenje Odluke zadužuje se Služba civilne zaštite i Služba za privredu, finansije i trezor.

Za postupanje i sprovođenje ove Odluke i kontrolu izvršavanja sprovođenja zadužuje se služba za civilnu zaštitu.

Član 8.

Ukoliko bi odredbe ove Odluke u bilo kom njenom dijelu bile u suprotnosti sa važećim odredbama drugih propisa ili istom nije nešto predviđeno direktno će se primjenjivati ti propisi a ostale odredbe ostaju na snazi.

Član 9.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Kenan Kamenjaš

Odluka objavljena na oglasnoj tabli Općine Vareš dana 31.03.2017. godine.

OPĆINSKI NAČELNIK

Zdravko Marošević

TARIFNIK
o visini naknade za pružene usluge Profesionalne vatrogasne jedinice Vareš
pravnim i fizičkim licima

Član 1.

Ovim tarifnikom utvrđuje se visina naknade za troškove izvršenih usluga Profesionalne vatrogasne jedinice Vareš pravnim i fizičkim licima.

Član 2.

Visina naknade je utvrđena prema tarifnim brojevima, kako slijedi:

Red. broj	VRSTA USLUGE	Jedinica mjere	Cijena u KM	PDV 17%	Ukupno
------------------	---------------------	-----------------------	--------------------	----------------	---------------

TARIFNI BROJ 1. RAD VATROGASNE TEHNIKE

1.1.	Vatrogasno vozilo u intervenciji	sat	100,00	17,00	117,00
1.2.	Dežurstvo vatrogasnog vozila	sat	50,00	8,50	58,50

TARIFNI BROJ 2. RAD VATROGASNIH PUMPI I AGREGATA

2.1.	Prijevoz pitke vode	Do 5 km	70,00	11,90	81,90
2.2.	Prijevoz pitke vode	Preko 5 km	100,00	17,00	117,00

TARIFNI BROJ 3. RAD VATROGASACA

3.1.	Rad vatrogasca (dežurstvo)	sat	10,00	1,70	11,70
3.2.	Rad vatrogasca u intervenciji	sat	15,00	2,55	17,55
3.3.	Rad vatrogasca sa autoļjestvama	sat	12,00	2,04	14,04
3.4.	Rad vatrogasca na pumpanju vode	sat	10,00	1,70	11,70

O B R A Z L O Ž E N J E

1. PRAVNI OSNOV

Članom 13. i članom 36. Zakona o principima lokalne samouprave („Sl. novine Federacije BiH“, br. 49/06 i 51/09) propisano je da jedinice lokalne samouprave donose propise o porezima, taksama, naknadama i doprinosima jedinice i u zakonom propisanim okvirima i provedbene propise o oporezivanju. Članom 22 tačka 6. Statuta općine Vareš – Prečišćeni tekst, broj: 01-162/12 od 11.09.2012. godine, Općinsko vijeće u okviru svoje nadležnosti donosi propise o porezima, taksama, naknadama i doprinosima u skladu sa zakonom.

Članom 124. stav 1. tačka f) Zakona o zaštiti od požara i vatrogastvu Zeničko-dobojskog kantona („Službene novine Zeničko-dobojskog kantona“, br.5/11) su definisani „drugi izvori utvrđeni ovim i drugim zakonom“ kao izvori finansiranja vatrogasne djelatnosti i data je široka mogućnost i prostor za iznalaženje potrebnih sredstava za finansiranje vatrogasne djelatnosti.

2. RAZLOZI ZA DONOŠENJE

S obzirom da smo u proteklom periodu bili u prilici da pružamo usluge Profesionalne vatrogasne jedinice, drugim Općinama i pravnim licima a nismo imali tarifnik o visini naknade za pružanje usluga profesionalne vatrogasne jedinice Vareš, potrebno je donijeti ovaj tarifnik da bi Općina Vareš, odnosno Profesionalna vatrogasna jedinica Vareš imala dodatna finansijska sredstva koja može iskoristiti za opremanje svojih struktura.

3. FINANSIJSKA SREDSTVA

Za realizaciju ove Odluke nisu potrebna finansijska sredstva.

OPĆINSKI NAČELNIK

Zdravko Marošević